

Nus supplichein da prender cun il camond da sittar ed il cudisch da sittar (carnet da prestaziun).  
Cordialmein envidan

*las societads da tir d'Andiast, Ruschein e Vuorz*

### Club da skis Vuorz

La radunonza generala dil Club da skis Vuorz ha liug sonda, ils 9 da matg 2026 allas 20.15 uras egl hotel Ucliva.

#### Gliesta da tractandas:

1. Appel ed elecziun da dus dumbrauschs
2. Protocol radunonza generala 24-05-2025
3. Rapports annuals
  - President
  - Cau JO Breil/Vuorz
  - Cau da material
4. Rendaquen ed approbaziun
5. Fixar las contribuiziuns annualas
6. Mutaziuns
7. Elecziuns
8. Fixar ed approbar il program da lavur
9. Tractar propostas da commembers inoltradas a scret alla suprastonza
10. Honoraziuns
11. Varia

Suenter la radunonza envida il Club da skis Vuorz tut ils presents ad in aperitiv. Tut tgi che ha ina ni l'aura memoria digitala digl onn vargau che stat en connex cul CSV ei per plascher supplicaus da tarmetter quella a nies president. Grazia fetg!

Sperond sin ina buna sesida ed ina vasta participaziun  
*La suprastonza, Club da skis Vuorz*

### Casa S. Martin Trun

#### Einladung zum öffentlichen Anlass

Palliative Pflege und Betreuung in der Casa s. Martin (Was ist Palliative Care)  
mira sut Trun



**DISENTIS/MUSTÉR**

[www.disentis.ch](http://www.disentis.ch)

### Damonda da baghegiar

2026-1028.000

Datum dalla publicaziun: 01.05.2026

Il patrun: Silvan Giger,  
Via Peisel 15, 7186 Segnas

Il representant: huonder bisquolm architects sa,  
Via da Scola 18, 7180 Disentis/Mustér

Intenziun: Nova casa d'ina famiglia

Parcela: 1189

Adressa: Peisel, 7186 Segnas

Zona: Zona da habitar H2

Zona da prighel: Negina zona da prighel

Plan da quartier: Sut Peisel

#### Protestas:

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 146, 7180 Disentis/Mustér. La protesta sto esser motivada e suttascretta dil recurrent ni da siu representant.

*Uffeci da baghegiar Disentis/Mustér*

### Lubientschas da baghegiar

2026-1001.000

Marco Paulo Maio Martins, Via Gonda 28, 7180 Disentis/Mustér; Construcziun d'in niev local sutteran sut il carport existent, parcella 665, Via Gonda 28, 7180 Disentis/Mustér.

2026-1009.000

Interpresa da baghegiar Sabbadini Giovanni, Via Sogn Gions 15, 7180 Disentis/Mustér; Niev plaz da deponer material e muldas da fatschenta, parcella 965, Via Raveras 31, 7180 Disentis/Mustér.

### Annunzias da baghegiar

2026-2022.000

Petra Tuor Hinrichsen, Via Dulezi 21, 7180 Disentis/Mustér; Modificaziun dil terren per in'era alzada (Hochbeet), parcella 603, Via Dulezi 21, 7180 Disentis/Mustér.

2026-2031.000

Vischnaunca Disentis/Mustér, Via Cons 2, 7180 Disentis/Mustér; sanaziun dils mirs schetgs existents, parcella 2837, Via Sontga Gada, 7180 Disentis/Mustér

### Cussegl da vischnaunca

Il cussegl da vischnaunca seraduna gliendisdis, ils 4 da matg 2026, allas 20.00 ella stanza da sedutas Cumiera el Center Fontauna.

#### Tractandas:

1. Protocol 12-2025/2028
2. Rapport da gestiun e quen 2025 (messadi 19-2025/2028)
3. Project e credit per sanaziun patinera Center Fontauna (messadi 20-2025/2028)
4. Ura da damondas (conform ad art. 44 dil regulativ da fatschentas)

*La presidenta dil cussegl da vischnaunca*

### Invitaziun ad ina sera d'informaziun per alloschaders en connex cuagl alzament dallas taxas da hosps e da turissem

mesjamna, ils 6 da matg 2026 allas 17.00 ella Halla Dulezi, Sedrun

Las suprastonzas communalas da Mustér e da Tujetsch envidan ad ina cuorta sera d'informaziun pertuccont igl alzament previu en connex culla taxa da hosps e da turissem che duei ir en vigur naven digl 1. da schaner 2027. Quella sera d'informaziun sedrezza als/allas possessorAs ed ils/las menaders/menadras da hotels, da casas da gruppas, sco era als/allas possessorAs indigenAs da secundas habitaziuns ed a tuts meinafatschentas.

Sin bien seveser

*la suprastonza communal da Tujetsch e da Mustér*

### Tagl da lenna – serrada dalla via Sogn Antoni

Muort lavurs da transport da lenna cun suga vegn la via Sogn Antoni ad esser serrada naven da gliendisdis, ils 20 d'avrel 2026, pil traffic motorisau sco era pil traffic plaun. Las lavurs cuozzan prevedentamein entochen ils 22 da matg 2026. Pertuccau ei il tschancun da Cavar-diras – Pardomat Dadens. La fin d'jamna duess il trapass mintgamai esser pussevils. Per damondas urgentas astgeis bugen contactar il numer 081 920 36 41.

Bien engraziament per l'enconuschientscha e capientscha.  
*Uffeci forestal Disentis/Mustér*

### Via Runca, Caischavedra – serrada da via

Muort lavurs da manteniment vid la via Runca vegn la quala serrada per tut il traffic motorisau sco era pil traffic plaun, naven da gliendisdis, ils 20 d'avrel 2026. Las lavurs cuozzan prevedentamein entochen ils 25 da matg 2026. Duront quei temps dat ei negina pusseviltad da sviar. Per damondas astgeis bugen contactar il numer 081 920 36 41.

Bien engraziament per la capientscha

*Uffeci forestal Disentis/Mustér*

### Biblioteca Mustér e contuorn

#### Kino da cudischs da malets cun Mats, la miur

Has ti plascher da vegnir en biblioteca e tedlar marvegliusas historias ord cudischs da malets? **Venderdis, ils 8 da matg 2026** allas 14.30 legin nus avon e mussein vid ina gronda preit ils malets ord in cudisch da malets. L'occurrenza ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'aura persuna. Nus selegrein zun fetg sin tei.

*Mats, la miur ed il team dalla biblioteca*

### Information connecta ag

#### Leitungsunterbruch Glasfasernetz

Infolge eines Neubaus Acla da Fontauna in Disentis müssen verschiedene LWL Kabel unterbrochen und umverlegt werden. Die Kommunikationsverbindungen und -dienste werden während den Umschaltungen unterbrochen und auf das neue Glasfaserkabel umgeschaltet. Während folgenden Zeiten sind sämtliche Kommunikationsdienste unterbrochen.

Die Arbeiten der Unterbrüche sind wie folgt terminiert: **Quartier Aclotta, Disentis, 05.05.2026, 08:00 Uhr bis 05.05.2026, 15:00 Uhr.**

Die connecta ag versucht den Unterbruch so kurz wie möglich zu halten. Dennoch ist mit einem längeren Unterbruch während der angegebenen Arbeitszeit zu rechnen. Bei allfälligen Fragen stehen wir Ihnen gerne zur Verfügung. Wir entschuldigen uns für den Unterbruch und danken für Ihr Verständnis.

### Corporaziun d'alp Cristallina

Invit alla radunonza generala, ils 08-05-2026 allas 20.00 ell'ustria Cresta a Segnas.

#### Tractandas:

1. Beinvegni ed elecziun d'in dumbrausch
2. Approbaziun dil protocol dils 11-04-2025
3. Orientaziun presidenta 2025
4. Rendaquen 2025
5. Elecziuns
6. Orientaziun renovaziun tegia Stavel dils Laiets
7. Varia

Sco usitau vegn purschii suenter radunonza ina tscheina a tuts presents. Sin stedia participaziun selegra la suprastonza.

### Uniun La Culturella

#### Referat – Surselva in Flammen!

Il barschament da Mustér ord vesta d'in conflict europeic. **Sonda, ils 9 da matg 2026**, 20.00, hHalla Cons. Plutarch Chiotopulos, historicher, sesents a Mustér referescha quella sera davart in dils capetels stgirs en Surselva digl onn 1799 cun l'invasiun dils Franzos. Gest tenor in bien agid per anflar il context cul drama historic «1799 – Revolva ella Cadi» che vegn presentaus pliras gadas duront la stad. Negina reservaziun da plaz, entrada libra/collecta.

## Info Coop duel da vischnauncas 2026

Da niev dat ei duront il Coop duel da vischnauncas ina cuorsa da posts tras il vitg.

Ils 10 posts dalla cuorsa da posts ein reparti en differents loghens en vischnaunca. Mintga post ei marcaus cun in flyer ed in code QR.

Scanei il code QR cun vies telefonin, s'informei davart il post ed absolvi il pensum directamein el liug. Ils posts san vegnir visitai independentamein, a moda flexibla ed en tgei successiun ch'ins vul.

Ils 10 posts cul code QR anfleis:

1. Vitrina Casa communal
2. Staziun RhB Sala da spetga (Tabla d'informaziun)
3. Papetaria Libreria Andrea
4. Infotabla Essenza
5. Apoteca
6. Coop Disentis/Mustér
7. Muntognas
8. Tabla d'informaziun Volg
9. Center Fontauna
10. Biblioteca

La finamira ei da rimnar comunablamein aschi biaras minutas da moviment sco pusseivel per nosa vischnaunca duront il matg e leutier haver plascher dil moviment. Bien success e bia plascher da separticipar! Coop duel da vischnauncas – comunablamein muen-tein nus dapli!

## Invitaziun SENIORA-CA

### Gievgia, ils 7 da matg 2026 allas 13:45 en PUNTREIS

Tema: referat per tudestg: «Prävention für gesundes Altern» da Martin Desax, naturopat TEN

Per ulteriuras informaziuns dat Linus (079 423 01 37) bugen scleariment.

Cordial beinvegni *team SENIORA-CA*

Meisa da miezdi organisada da SENIORA-CA e PUNTREIS Entschatta: allas 12.15 en PUNTREIS.

Gentar cun treis tratgas inclusiv aua dalla spina ed 1 caffè.

Annunzia entochen allas 9.00 dil di alla PUNTREIS sut 081 929 56 56.

La meisa da miezdi ei aviarta per mintgin/a.  
*Post d'informaziun SENIORA-CA*

## Uniun da dunnas Disentis/Mustér

### Sentupada cun affons pigns e geniturs

Nus envidein cordialmein tut ils affons entochen treis onns (cun fargliuns e geniturs) da s'entupar, termagliar e paterlar.

**Venderdis, ils 8 da matg** allas 09.30-11.00 en casa da scola Segnas, local artgin, ella 1. alzada.

*Ressort affons*



FALERA

[www.falera.net](http://www.falera.net)

## Damondas da baghegiar

### Nr. 2026-0014

#### Di da publicaziun: Venderdis, ils 1 da matg

Petent: Serafin Winzap  
Via Falera 54, 153 Falera

Architect/ MBRsolar AG,  
Representant: Frauenfelderstrasse 12, 9545 Wängi  
Baghetg: Baghetg annex cun battarias per magasinar energia

Parcella/zona: 1222 / Landwirtschaftszone  
Quartier/Via: Via Falera 54a  
Termin  
d'exposiziun: 01.05.2026 – 21.05.2026  
Lubientschas supplementaras che basegnan ina coordinaziun: – Damonda da permissiun da la polizia da fiug

### Nr. 2026-0016

#### Di da publicaziun: Venderdis, igl 1 da matg 2026

Petent: StWEG Prau Sut  
c/o Confidar Treuhand AG  
Schulstrasse 59, 7130 Illanz  
Architect/ Hesaplan AG,  
Representant: Via Isla 37, 7151 Schluein  
Baghetg: Remplazzament dil scaldament cun ina pompa da scaldar cun sondas geotermicas

Parcella/zona: 70 | Wohnmischzone 2  
Quartier/Via: Via Giaus sut 2  
Termin  
d'exposiziun: 01.05.2026 – 21.05.2026  
Lubientschas supplementaras che basegnan ina coordinaziun: – Damonda da permissiun da la polizia da fiug  
– ANU: Damonda da permissiun per in ina pompa da scaldar cun sondas geotermicas

### Protestas:

Concernent il dretg public ein da far a scret duront il temps d'exposiziun alla suprastanza communal. Investa dils plans sa vegnir priu sin canzlia communal, Uffeci da baghegiar Laax, Center Communal, 7031 Laax.

## Baugesuche

### Nr. 2026-0014

#### Datum der Publikation: Freitag, 1. Mai 2026

Gesuchsteller: Serafin Winzap  
Via Falera 54, 7153 Falera  
Architekt/ MBRsolar AG,  
Vertreter: Frauenfelderstrasse 12, 9545 Wängi  
Bauvorhaben: Batteriespeicher mit Anbau  
Parzelle/Zone: 1222 / Landwirtschaftszone  
Quartier/Strasse: Via Falera 54a  
Auflagefrist: 01.05.2026 – 21.05.2026  
Koordinationsbedürftige Zusatzbewilligungen:  
– Gesuch für feuerpolizeiliche Bewilligung

### Nr. 2026-0016

#### Datum der Publikation: Freitag, 1. Mai 2026

Gesuchsteller: StWEG Prau Sut  
c/o Confidar Treuhand AG  
Schulstrasse 59, 7130 Illanz  
Architekt/ Hesaplan AG,  
Vertreter: Via Isla 37, 7151 Schluein  
Bauvorhaben: Heizungsersatz durch Erdwärmesonden-Wärmepumpe  
Parzelle/Zone: 70 | Wohnmischzone 2  
Quartier/Strasse: Via Giaus sut 2  
Auflagefrist: 01.05.2026 – 21.05.2026  
Koordinationsbedürftige Zusatzbewilligungen:  
– Gesuch für feuerpolizeiliche Bewilligung  
– ANU: Amt für Natur und Umwelt: Gesuch um Bewilligung einer WP-Anlage mit Erdwärmesonde

### Einsprachen:

Öffentlich-rechtliche Einsprachen schriftlich während der Auflagefrist zuhanden des Gemeindevorstandes einzureichen. Die Pläne können auf der Gemeindever-

waltung, Bauamt Laax, Center Communal, 7031 Laax eingesehen werden.

## Novs temps d'avertura informaziun da hosps / agentura da posta Falera

Naven digl 1. da matg 2026 valan ils suandonts temps d'avertura per l'informaziun da hosps e la agentura da posta Falera:

Temps da spurtegl:

Gliendisdis entochen venderdis:  
08.30 – 11.30 e las 14.00 – 17.00 uras  
Sonda: 8.30 – 11.30 uras

Engraziel fetg per l'enconuschientscha e capientscha.

*La direcziun*

## Neue Öffnungszeiten der Gäste Information / Postagentur Falera

Ab 1. Mai 2026 gelten für die Gästeinformation und Postagentur Falera folgende Öffnungszeiten:

Schalteröffnungszeiten:  
Montag bis Freitag: 08:30 – 11:30 Uhr und  
14:00 – 17:00 Uhr

Samstag: 08:30 – 11:30 Uhr

Wir danken für Ihre Kenntnisnahme und Verständnis

*Die Geschäftsleitung*

## Rimnada da rauba blocconta

**Sonda, ils 2 da matg 2026 dallas 8.00-11.00 uras** sa vegnir dismiss rauba blocconta.

Ils containers per dismetter la rauba vegnan tschentai si **sil parcadi Fandrels**.

Sco rauba blocconta da dimensiun pli gronda che sa vegnir dismissa gratuitamein valan rumians da casa ch'ins sa buca surdar al survetsch da rimnada regular, perquei ch'els ein u memia gronds ni memia grevs.

Ils suandonts rumians astgan en mintga cass buca vegnir dismiss el rom da rimnadas da rauba blocconta: rumians da casa e rumians industrials, material d'embelladi sco plastic ni stiropor, il plastic dallas ballas da silo, lenna da construcziun, vanzadiras da lenna, teppis stendi, material d'isolator, liquids, ieli, colurs, crappa, tievlas, battarias dil tenercasa ed autra rauba semeglienta.

Grondas dimensiuns da rumien bloccont che seresultan ord rumidas, spazzadas ni renovaziuns da casas eav. san buca vegnir dismissas cun la rimnada dalla vischnaunca.

Ella vischnaunca da Falera sa en connex cun la rimnada da rauba blocconta vegnir dismiss aunc supplementarmein las suandontas caussas:

apparats electricis gratuit

batterias da motos frs. 5.– per toc

batterias d'auto pign/grond frs. 10.–/20.–per toc

pneus da privats senza gaveglias frs. 5.– per toc

pneus da privats cun gaveglias frs. 10.– per toc

Quella rauba vegn dismissa separau dalla rauba blocconta entras ils luvrers communs.

Ils luvrers communs han l'incumbensa da visar anavos rauba che corrispunda buca als criteris da rumien bloccont.

Nus supplichein per enconuschientscha.

*La suprastanza communal*

## Sperrgutsammlung

Am **Samstag, 2. Mai 2026 von 8.00-11.00 Uhr** findet eine Sperrgutsammlung statt.

Die Abfuhrcontainer werden **auf dem Parkplatz Fandrels** (am Dorfeingang) aufgestellt.

Die Gratisentsorgung von Grobsperrgut bezieht sich auf Hauskehricht, das wegen seiner Abmessungen oder seines Gewichtes nicht dem regulären Sammeldienst übergeben werden kann.